

Agong, Raja Permaisuri Berangkat Ke Sambutan Hari Kebangsaan Ke-58
MStar Online
31 Ogos 2015

KUALA LUMPUR: Yang di-Pertuan Agong, Tuanku Abdul Halim Mu'adzam Shah dan Raja Permaisuri Agong, Tuanku Hajah Haminah berkenan berangkat ke acara perbarisan dan perarakan sambutan Hari Kebangsaan Ke-58, di Dataran Merdeka, pagi Isnin.

Ketibaan baginda berdua tepat pukul 8 pagi disambut Perdana Menteri, Datuk Seri Najib Razak dan isteri, Datin Seri Rosmah Mansor, sebelum diiringi ke pentas utama.

Kemudian ia disusuli dengan lagu Negaraku diiringi kumpulan pancaragam.

Terdahulu, Perdana Menteri diiringi timbalannya, Datuk Seri Dr Ahmad Zahid Hamidi memberi tabik hormat sejurus tiba di pentas kenamaan menjelang perbarisan sambutan Hari Kemerdekaan 2015.

Turut hadir barisan jemaah Menteri Kabinet, ahli politik serta wakil kedutaan hadir pada acara berkenaan.

Hakcipta Terpelihara © 2015 Star Media Group Berhad (ROC 10894D)

Source: <http://www.mstar.com.my/berita/berita-semasa/2015/08/31/agong-hari-merdeka/>